

Bayaan Kasoo Baxay Shirka Wadatashiga Arimaha Jihaadka Bariga Afrika.

23 Rajab 1441 H (18 March 2020)

قال الله تعالى: ﴿فَقَاتِلْ فِي سَبِيلِ اللَّهِ لَا تُكَلَّفُ إِلَّا نَفْسَكَ وَحَرِّضَ الْمُؤْمِنِينَ عَسَى اللَّهُ أَنْ يَكُفَّ بَأْسَ الَّذِينَ

كَفَرُوا وَاللَّهُ أَشَدُّ بَأْسًا وَأَشَدُّ تَنَكُّلًا ﴿٨٤﴾ [سورة النساء: 84].

Kadib muddo shan maalmood ah oo uu kulan ballaaran oo wadatashi ah u socday xubno kor u dhaafaya 100, oo kala matalayey bulshada Muslimka ah qeybaheeda kala duwan sida waxgaradka, odayaasha dhaqanka, culimada iyo hoggaanka guud ee Xarakada Mujaahidiinta Al-Shabaab, ayaa waxay dhinacyada kasoo qeybgalay si guud u qiimeeyeen marxalada uu maanta marayo jihaadka kasocda bariga Afrika, waxayna Allaah mahadiis aragti mideysan ka yeesheen dhamaan ajandayaashii laga wada hadlay.

Shirka oo bilawday maalintii Sabtida ee taariikhdu ahayd 19 Rajab 1441 Hijriya, Kuna beegnayd 13 Maarso 2020, sidoo kale waxaa lagu gorfeeyay marxalada uu marayo hardanka siyaasadeed ee ka taagan bariga Afrika, duruufaha adag ee ay wajahayaan Muslimiinta ku dhaqan gobolka, tan diineed, amni, siyaasad, dhaqaale, caafimaad, waxbarasho, iyo Jihaadka lagula jiro cadowga Allaah.

Waxaa Shirka Wadatashiga Arimaha Jihaadka Bariga Afrika intii uu socday warbixinno laga dhagaystay qaybo kamid ah mas'uuliyiintii kasoo qaybgashay shirka, kuwaas oo ka warbixiyay hawlaha ay Muslimiinta u hayaan.

Falanqayn iyo xog isweydaarsi kadib, waxey ka qeybgalayaashu ka wada tashadeen qodobada soo socda:

- 1- In Muslimiinta ku dhaqan mandiqada geeska Afrika ay wajahayaan duullaan uu cadawgu ku burburinayo diintooda, dadnimadooda, deegaankooda, dhaqankooda, iyo dhaqaalahooda.

- 2- In huwanta salibiyada ah ee kusoo duulay bariga Afrika ay sii xoojiyeen dagaalka kadhanka ah Muslimiinta, dagaalkaas oo ay hormuud ka tahay dowladda salibiyada ah ee Maraykanka, oo kaashaneysa NATO iyo AMISOM.
- 3- Duullaankan lixaadsaday waxaa qeyb ka ah, olole ballaaran oo lagu dhallan rogayo dhaqanka iyo akhlaaqda jiilka soo hana qaadaya ee Muslimiinta, kaasoo duullaankan ka dhigaya midkii ugu halista badnaa ee uu cadowgu kusoo qaaday Muslimiinta ku dhaqan bariga Afrika.
- 4- Waxaa duullaankaas salibiga ah barbar socda, shirqoollo ay maleegayaan kooxo u nisba-sheegta Islaamka, sharciyadna siiya gumeystaha, Umadana ka marin habaabinaya xaqqa, una taagan hirgelinta himilooyinka gurraacan ee cadawga iyo hagar daamada Muslimiinta.

Gabagabadii shirka Wadatashiga Arimaha Jihaadka Bariga Afrika ee uu qaban qaabadiisa lahaa Maktabka Siyaasada iyo Wilaayaadka ee Xarakada Mujaahidiinta Al-Shabaab, waxaa kasoo baxay qodobada hoos ku xusan:

- 1- In Mujaahidiintu ay sii xoojiyaan Jihaadka fardu-ceynka ee ay ku difaacayaan Diinta, Dalka iyo Dadka Muslimiinta.
- 2- In si wadajir ah looga hortago dhammaan shirqoollada cadawgu usoo maleegayo Muslimiinta ku dhaqan bariga Afrika, lagana hor istaago gumeystaha boobka uu ku hayo khayraadkeena.
- 3- In waxa loogu yeero dowladda federaalka iyo maamullada gaaladu ka dhiseen qaybo kamid ah Soomaaliya ay yihiin Maamullo ridda ah, Diinta Islaamkana ka baxay, waajibna ay tahay in lala dagaalamo, sida ku cad kitaabka Allaah iyo sunnaha Nabi Muxammad ﷺ, mowqifkaasna waxay culimada ku xuseen fatwooyinkii soo baxay 1433, 1435 Hijriga ee ka kala dhacay Degmooyinka Baydhabo, Ceelasha Biyaha iyo Buulaburte.

Waxey culimada kasoo qeybgalay Shirka Wadatashiga Arimaha Jihaadka Bariga Afrika markale ta'kiidiyeen, dhamaan qodobadii kasoo baxay shirarkaas oo ay kamid tahay gaalnimada ay ku dhacday xukuumada riddada ah, iyo inay qofkasta oo muslim ah waajib ku tahay burburinta nidaamkaas iyo garab istaagga Jihaadka lagu doonayo in lagu soo celiyo shareecada Islaamka.

- 4- In ay xaaraan tahay kaqayb qaadashada waxa loogu yeero doorashada dimuquraadiga ah ee ay saliibiyiinta iyo murtadiintu doonayaan inay ka qabsoonto deegaanada ay xooga ku heystaan Saliibiyiinta loogu yeero AMISOM, sida lagu faahfaahiyay fatwadii kasoo baxday culimadii ka qaybgashay Shirka Wadatashiga Arimaha Jihaadka Bariga Afrika.
- 5- In laga hortago waxa loogu yeero nidaamka Federaalka, oo ah qorshe ujeedadiisu tahay in lagu kala qoqobo dalka, colaadihii sokeeye lagu soo celiyo, wadankana loogu gacan geliyo gumeystaha Itoobiya iyo Kenya.
- 6- In aad looga digtoonaado qulqulka gaalada Itoobiyaanka ah ee soo galaya dalka, tiro badan oo kamid ahna ay saldhigteen qaar kamid ah magaalooyinka waaweyn ee dalka, halkaas oo ay ka wadaan dhibaatooyin saameeyay maqaasida shanta ah ee diinta islaamku ilaaliso.
- 7- In sare loo qaado wacyigelinta iyo baraarujinta bulshada Muslimiinta ah si ay qeyb uga noqdaan xoreynta dhulalka Muslimiinta, difaaca kheyraadkooda iyo u nusreynta Muslimiinta tabaaleysan, dhanka kalena uga digtoonaadaan dabinada gaalada iyo murtadiinta.
- 8- In la ilaaliyo midnimada iyo walaatinimada dadka Muslimiinta ah guud ahaan, gaar ahaan Mujaahidiinta, si wada jir ahna looga hortago qof waliba oo isku daya inuu kala dhantaalo midnimadaas.
- 9- In qabaa'ilka Soomaaliyeed ee Muslimka ah ay ku walaaloobaan diinta Islaamka kana fogaadaan waxkasta oo abuuri kara colaado sokeeye.
- 10- In maamullada Wilaayaatka Islaamiga ah ay sii hormariyaan adeegyada ay u hayaan bulshada Muslimiinta ah sida amniga, garsoorka, waxbarashada iyo caafimaadka.
- 11- In la ilaaliyo bad-qabka dhaqaalaha dadka Muslimiinta iyo khayraadkooda, islamarkaana la taageero lana dhiirigeliyo waxsoosaarka dalka, sida tacbashada beeraha, dhaqashada xoolaha iyo maalgashiga.
- 12- In si wadajir ah la iskaga kaashado kahortagga xaalufinta lagu hayo dhirta iyo daaqa, tallaabo adagna laga qaado waddamada, shirkadaha iyo shaqsiyaadka ku hawlan xaalufinta deegaanka.

- 13- Kasoo qeybgalayaasha waxay caddeeyeen in wilaayaatka Islaamiga ay qalcad adag u yihiin Muslimiinta dhamaantood, maganna u yihiin qof kasta oo dhibane u ah dulmiga gaaladu ku heyso Muslimiinta.
- 14- Waxaa bulshada Muslimka ah loogu baaqayaa inay ka digtoonaadaan cudurada faafa ee kusoo badanaya dunida sida Corona Virus iyo HIV-ga, taasoo ay faafinteedu kaalin lixaadleh ka qaadanayaan ciidamada saliibiga ah ee dalka kusoo duulay, iyo dolwadaha gaalada ah ee taageerada siiya.

Ugu dambeyntii; Kasoo qeybgalayaasha Shirka Wadatashiga Arimaha Jihaadka Kasocda Bariga Afrika, waxay tacsii u dirayaan, eheladooda Muslimiinta ah ee dhibaataadu kasoo gaartay duqeymaha Mareykanku kawado wilaayaatka Islaamiga, sidoo kale waxay u tacsiiyeynayaan dadka Muslimiinta ee ku nool dhulalka ku hoosjira gumeysiga Kenya, kuwaasoo dilal qorsheysan oo joogta ah kala kulma saliibiyiinta Kenya, waxay kaloo aad uga xun yihiin cadowtooyada gurraacan ee maamulka Abey Axmad uu ku hayo Muslimiinta ku nool Itoobiya, taasoo ay ugu dambaysay Masaajidii lagu gubay gobolka Amxaarada.

Dhamaan xubnaha kasoo qeybgalay Shirka Wadatashiga Arimaha Jihaadka Kasocda Bariga Afrika waxay Muslimiinta ku dhaqan bariga Afrika ugu baaqayaan inay baraarugaan, ayna dareemaan duufaanta cadawtooyo ee kusoo wajahan.

Taariikhdu waxay inoo qeexeysaa in mandiqadan tahay dhul ay mar walba ku hardamaan Muslimiinta iyo Gaalada, kuna loollamaan Towxiidka iyo Shirkiga, Sidaas daraadeed dadka Muslimiinta ah waa in ay baraarug u yeeshaan qorshaha gaaladu la maaggan tahay, dareemaanna masuuliyadda ka saaran difaaca diintooda iyo dalkooda, una istaagaan sidii ay isaga dhicin lahaayeen gaalada daalimiinta ah ee duullaanka ku ah diintooda, dadkooda iyo dalkooda.



وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ